



Ե Ր Կ Շ Ա Բ Ա Թ Ա Թ Ե Ր Թ

ՀՀ Դաշնակցության Արցախի Կենտրոնական Կոմիտեի պաշտոնաթերթ

Մենք համացանցում

www.aparaj.am

## Խմբագրական

### Թոթափենք ստրկամտությունը

Յուրաքանչյուր պետական համակարգ քաղաքական առումով կարիք ունի պաշտպանության: Պաշտպանություն՝ նախ եւ առաջ արտաքին ներթափանցումներից, ապա ներքին ցնցումներից խուսափելու համար: Ռազմական ոլորտում վաղուց ապացուցված է, որ ուժի կենտրոնացումը մասնավորապես քիչ ռեսուրս ունեցող համակարգերում կարող է աղետաբեր լինել եւ անցանկալի հետեւանքներ ունենալ: Հայ ժողովրդի պատմության մեջ այս իրականությանն ականատես ենք եղել. հիշենք Վարդանանց ու Վահանանց պատերազմները եւ արդյունքները: Ավարայրի դաշտում գործնական պարտությունը ի վերջո Նվարսակի դաշնագրով վերածվեց համեմատական հաղթականի: Նույն իրողությանն ականատես ենք եղել նաեւ պատմության քաղաքական ոլորտում՝ Արցախի մեկիջությունների պարագայում, երբ մեկիջներն ունեցել են ապակենտրոն իշխանական համակարգ եւ կարողացել են փաստորեն պահել համեմատական ավելի ինքնիշխան կարգավիճակ: Թե՛ ռազմական եւ թե՛ քաղաքական ասպարեզներում ուժի կենտրոնացվածությունը ռիսկային տարրեր է պարունակում:

Հենց այդ սկզբունքից էլնելով է, որ աշխարհում այսօր ապակենտրոնացված կառավարման համակարգերն առավել արդիական են եւ գործնականում կամարվում են հաջողված ու արդյունավետ:

Պետական համակարգում պատասխանատվության լայնորեն բաշխումը ենթադրում է յուրաքանչյուր պետական օղակի պատասխանատվության բաժնի հատկացում: Պատասխանատվության հանձնումը համակարգի որեւէ օղակի՝ տվյալ մասնիկի մոտ առաջ է բերում հանձնառության զգացում: Իսկ երբ հանձնառու են որեւէ գործի կատարման ուղղությամբ, պարտավոր են պաշտպանել արածիդ իրավականությունն ու ճշմարտացիությունը:

Գալով մեր իրականությանը, փաստենք, որ խորհրդային կարգերից ժառանգված համակարգը գերկենտրոնացված է եղել: Չնայած այն հանգամանքին, որ խորհրդային հանրապետությունների սահմանադրությունները լայն իրավասություններ էին շնորհել խորհուրդներին, սակայն կոմունիստական կուսակցական ամենագործության մտայնությունն ու «հարցեր լուծելու» գործնական փորձը առ ոչինչ էին դարձնում թղթի վրայի օրենքները: Խորհրդային համակարգից ժառանգած հոգեբանությունը շարունակվում է մեր օրերում եւս տիրական մնալ: Չնայած նրան, որ բավականին բարձր գնով՝ արյամբ ենք նվաճել մեր երկրում ինքնիշխանության կայացման իրավունքը, սակայն ստրկամտության՝ «վերելի կենտրոնացված ուժի» ամենագործության պատրանքը այդպես էլ չենք կարողացել թոթափել մեր մտայնությունից: Եվ հենց այդ պատճառով ոչ կարողանում ենք լիարժեք պաշտպանված լինել եւ ոչ էլ ունենալ իրական ինքնիշխանություն:

Պետության ինքնիշխանությունը կարող է իրական դառնալ միայն այն պարագայում, երբ համակարգի յուրաքանչյուր մասնիկի մոտ անկախության մտայնությունը արմատավորած է: Իսկ անկախությունը «վերելի կենտրոնացված ուժի» բացառմամբ միայն կարելի է արմատավորել:



### Հայոց բանակը

Հունվարի 28-ը Հայոց բանակի ծննդյան օրն է: Նորաստեղծ հանրապետության զինված ուժերը ծնվեցին կռվի դաշտում, հընթացս մարտական մկրտություն անցնող կամավորական ջոկատների հիմքի վրա: Հայոց պետական բանակը երկար ժամանակ դեռ պիտի կրեր կամավորական իր թախմորի ազդեցությունը: Նորաստեղծ պետական բանակը ձեւավորվեց խորհրդային բանակից կամավորապես հայրենիք վերադարձած արիեստավարժ սպաների, բայց հիմնականում պատերազմի դպրոցն ավարտած կամավորականների ուժերով: Չժխտելով խորհրդային զորքերից վերադարձածների վաստակը, այնուամենայնիվ՝ նրանք գործող կամավորական-պետական զորամիավորումների հետ ներդաշնակվելու խնդիր ունեին, իսկ մյուս կողմից իրենց թվաքանակով որակ չէին կարող կազմել ինքնաբերական ձեւավորված հավաքականության մեջ: Որակ կազմող նախկին ֆեդայի-կամավորներն էլ զորամիավորումներ դեկավարողի, դաստիարակի, հոգեբանի, գրքային գիտելիքով զինված արիեստավարժի կայացման ճանապարհով պիտի տանեին իրենց ենթակա նորակազմի պետական զինվորին՝ մինչ առկա ներուժը կհամալրվեր հայկական ռազմական դպրոցի շրջանավարտ սպայական սերնդով: Մեր բանակը դժվարին կայացման ճանապարհ անցավ՝ մշտապես քթի տակ զգալով վառողի հոտը եւ հակառակորդի դավադիր շունչը: Դիմագրավելիք բոլոր մարտահրավերներով հանդերձ՝ հայ սպան ու զինվորը մշտապես կրողը եղան հոգեբանական ու բարոյական այն ամուր գիտակցության, որ հաղթած եւ հայրենիք ազատագրած նախորդների գործի շարունակողն են:

Ինքնախաբեություն կլինի մտածել, թե հասարակությանը մաս կազմող բանակը կարող է անհաղորդ լինել այդ հասարակության բարքերին եւ արատներին: Մյուս կողմից՝ վտանգավոր

մեղք է բանակը ներքաշել ներհասարակական եւ ներքաղաքական խնդիրների ու հակասությունների դաշտ, ինչի ականատեսը եղանք նաեւ 2016 թվականի ապրիլի քառօրյա փորձության ժամանակ: Այն պահին, երբ զինվորը չէր լքում մահվան ընդառաջ գնացող հրամանատարին, իսկ հրամանատարը գոհաբերում էր իրեն՝ փրկելու համար ենթակային, այն պայմաններում, որ գոհվողների մեկ երրորդը սպաներ էին, բոլորովին ժամանակը չէր խրամատներ հասնող ճայնով գոռալ, թե գեներալները թալանում են բանակը եւ ման են գալիս շիպերով:

Թեւեւ տարիներ շարունակ մեր մտքի միջի կասկածի որոզ հասունացնում էր այն որոմը, թե երկրում առկա անարդարությունների պատճառով անհրաժեշտ պահին ոչ բանակը կկռվի ու ոչ էլ նախկին կռվողները գենք կվերցնեն, քառօրյա պատերազմի ժամանակ է՛ն 18-20 տարեկան զինվորը կռվեց, է՛ն ազգը վերածվեց ազգ-բանակի:

Պետական ու համաժողովրդական այս բանակը դիմագրավեց անակնկալ հարվածը, որի ժամանակ թշնամին դիրքապահների դեմ գրոհի անցավ մեծաքանակ մարդուժով, հայկական դիրքերի վրա նետեց միայն 120 մմ-ից բարձր չափի ավելի քան 30 000 հրետանային արկ, «Գրադ» կայաններից արձակեց ավելի քան հազար հինգ-հարյուր արկ: Չնայած մանրակրկիտ նախապատրաստությանը, անակնկալ ու լայնամասշտաբ գրոհին՝ թշնամին չհաղթեց, ունեցավ տեխնիկայի շոշափելի կորուստ եւ, ըստ որոշ աղբյուրների, տասն անգամ ավելի գոհ:

Պատերազմը հարձակվող կողմի խնդրանքով դադարեցվեց չորս օրից, թշնամու ծրագրերը ձախողվեցին, հայկական կողմը չպարտվեց (գերծ մասնք հաղթանակ բառը գործածելուց, որովհետեւ թեկուզ փոքր չափի, այնուամենայնիվ՝ հողի կորուստ ունեցանք): Ճշմարտությունը սա է, եւ այն չպետք է աղավաղվի՝ վասն ներքին հաշիվների

կամ իշխանություններին չսիրելու ինքնաարդարացման:

Փաստն այն է, որ՝ չնայած այս ու այն հանգամանքներին, հայկական բանակը մնում է մարտունակ, հայ զինվորը մեռնելուց ավելի սարսափելի է համարում թշնամու առաջ հայկական բնակավայրերի ճանապարհը բացելը:

Թե՛ մարտական գործողությունների ժամանակ եւ թե՛ խաղաղ զորավարժությունների մեջ մեր բանակը դրսեւորում է հաղթողի ժառանգական կապը, ոգին եւ արիեստավարժությունը:

Ավանդույթ է դարձել, որ հայկական սեղանների շուրջ պարտադիր խմվի հայոց բանակի եւ հայ զինվորի կենացը: Այլեւս այդ բանակն ու զինվորը շոշափելի ու կոնկրետ են թե՛ իրենց եւ թե՛ իրենց պաշտպանած հողի մերձությամբ ու հարազատությամբ:

Հայոց բանակն ամենաթանկ բանն է, որ անկախությամբ ձեռք են բերել Հայաստանի ու Արցախի պետությունները՝ այն պարզ գիտակցությամբ, որ ազգի ու պետության անվտանգ ներկան եւ բաղձալի ապագան երաշխավորող գլխավոր գործոնը Հայոց զինված ուժերն են:

Պիտի կարողանանք լինել ազգ-բանակ: Ոչ այն պարզունակ հասկացողությամբ, թե զինվորական ծառայության շրջանակ պետք է ներգրավվեն բոլորը՝ առանց սեռի ու տարիքի խտրության, այլ գործող բանակի առջեւ ֆիզիկական ու բարոյական պարտք ու պարտականություն ունենալու անհատական գիտակցությամբ, ինչը չի կարող սահմանափակվել միայն կենացներ խմելով, եւ այդ՝ նաեւ այս երկրում այնպիսի արդար հարաբերություններ հաստատելով, որոնք բարոյական եւ հոգեբանական առումով միշտ ամուր կպահեն սահմանապահ զինվորի ողնաշարը: Խաղաղ լուսաբացներ, անսասան հավատ ու նկատորուն կամք հայոց բանակին:

«ԴՐՕՇԱԿ»-ի խմբագրական  
27.01.2017






### Տոնակատարություն՝ նվիրված ՀՀԴ 126-ամյակին

2017 թվականի հունվարի 15-ին Գլենդելի «Հայ Արմենի» հանդիսասարահը դարձավ Դաշնակցության 126-ամյակի ու Արցախի անկախության օրվան նվիրված տոնակատարության անցկացման հանդիսավոր վայրը:

Օրվա գլխավոր բանախոսն էր Արցախի ԱԺ «Դաշնակցություն» խմբակցության անդամ Արմեն Սարգսյանը: Արցախյան ազատամարտի մասնակից Շահիկ Աղաբաբյանի կնքահայրությամբ՝ 126 պատանիներ հանդիսավորությամբ իրենց խոստումը տվին ծառայելու ազգին: Կնքահայրը Արցախից հատուկ բերած «Հայրենյաց պաշտպանի» հատուկ կրծքանշաններ նվիրեց պատանիներին, որ անձամբ հանձնվեց Արմեն Սարգսյանի ձեռքով:

Հունվարի 19-ին Արցախի ԱԺ «Դաշնակցություն» խմբակցության անդամ Արմեն Սարգսյանը ՀՀԴ Արեւմտյան Ամերիկայի Կենտրոնական կոմիտեի ներկա-

յացուցիչ Տարոն Տեր-Խաչատրյանի ընկերակցությամբ այցելեց Նաեւ Լոս Անջելեսի խորհրդի անդամ Փոլ Գրիգորյանի կողմից:



Լեսի քաղաքապետարան, ուր ջերմ ընդունելության արժանացավ քաղաքապետարանի խորհրդի անդամ Փոլ Գրիգորյանի կողմից:

Արցախի Շուշի քաղաքի հետ ցույց քաղաք հանդիսացող քաղաքի միակ հայազ-

Արցախի Շուշի քաղաքի հետ ցույց քաղաք հանդիսացող քաղաքի միակ հայազ-

գի ղեկավարը Սարգսյանի եւ Տեր-Խաչատրյանի հետ գրույցի ընթացքում ներկայացրեց իր անձնական զգացումներն ու հույզերը 2 անգամ (2013 եւ 2016 թթ.) Արցախ կատարած այցելությունների մասին, մասնավոր, երբ այն տեղի էր ունեցել ապրիլյան քառօրյա պատերազմից անմիջապես հետո:

Արցախի անկախությունը, որ, Գրիգորյանի վկայությամբ, ճանաչել էր Լոս Անջելեսի վերին ղեկավարությունը, խթան հանդիսացավ Կալիֆոռնիա նահանգի կողմից Արցախի Հանրապետության ճանաչման աշխատանքներին:

Փոլ Գրիգորյանը նոր առաջարկություններ փոխանցեց Արցախի հետ համագործակցությունը սերտացնելու ուղղությամբ: Շահեկան գրույցից հետո նա հյուրերին ծանոթացրեց քաղաքապետարանի տարբեր բաժինների հետ:

«ԱՊՐԱՍԺ»

### ՀՀԴ Ավստրալիայի Հայ Դատի հանձնախմբի անդամը ընտրվել է ավստրալական Նահանգի վարչապետ



ԱՄՆ Հայ Դատը տեղեկացնում է, որ Ավստրալիայի Նոր Հարավային Ուելս նահանգի վարչապետ է ընտրվել ՀՀԴ Ավստրալիայի Հայ Դատի հանձնախմբի անդամ Գլենդիս Բերեչիկյանը՝ փոխարի-

նելով Մայք Բերդին: Հայ Դատի պաշտոնական կայքի հաղորդմամբ՝ 46-ամյա Բերեչիկյանը ներկայացնում է Նահանգի «Ազատական» կուսակցությունը:

Նա դեռ երիտասարդ հասակում ակտիվ մասնակցություն է ցուցաբերել Ավստրալիայի հայկական համայնքի կյանքին, եղել է Հայ մարմնակրթական միության՝ ՀՄԸՄ-ի անդամ եւ զբաղվել բասկետբոլով:

Բերեչիկյանը խորհրդարանում բարձրացրել է Ավստրալիայի հայ համայնքի խնդիրները՝ անդրադառնալով Ավստրալիայի կողմից Հայոց ցեղասպանության ճանաչման, ինչպես նաեւ Լեռնային Ղարաբաղի ժողովրդի ազատ ինքնորոշման իրավունքի կարեւորությունը:

Լեռնային Ղարաբաղի Հանրապետության Նախագահ Բակո Սահակյանը նրան պարգևատրել է նաեւ «Երախտագիտություն» մեդալով: Բերեչիկյանն

արժանացել է Ավստրալիայի հայ համայնքի «Տարվա ընկեր» մրցանակին:

Բակո Սահակյանը հունվարի 24-ին շնորհավորական ուղերձ է հղել Ավստրալիայի Նոր Հարավային Ուելս նահանգի վարչապետ տիկին Գլենդիս Բերեչիկյանին:

Ուղերձում ասված է. «Հարգարժան տիկին Բերեչիկյան, Արցախի ժողովրդի, իշխանությունների եւ անձամբ իմ անունից ի սրտե շնորհավորում եմ Ձեզ Ավստրալիայի Նոր Հարավային Ուելս նահանգի վարչապետի պաշտոնն ստանձնելու կապակցությամբ:

Կստահ եմ, որ Ձեր գիտելիքներն ու հարուստ փորձը լավագույնս կծառայեն ի բարօրություն Նահանգի բնակչության:

Նոր Հարավային Ուելսը, առաջատար դերակատարություն ունենալով Ավստրալիայի տնտեսական ու քաղաքական կյանքում, հայտնի է նաեւ որպես մի երկ-

րամաս, որտեղ մշտապես կարելու է եւ ժողովուրդների ազատությունն ու իրավահավասարությունը, մարդու իրավունքներն ու համընդհանուր ժողովրդավարական արժեքները:

Այդ իրողության վառ արտահայտությունն է նաեւ 2012 թվականի հոկտեմբերի 25-ին Նահանգի օրենսդիր մարմնի կողմից ԼԴՀ անկախության եւ նրա բնակչության ինքնորոշման իրավունքի ճանաչման վերաբերյալ բանաձեւի ընդունումը:

Լիախույս եմ, որ Ձեր պաշտոնավարման ընթացքում նոր շունչ ու բովանդակություն կհաղորդվի Արցախի եւ Նոր Հարավային Ուելսի միջեւ բարեկամական կապերին՝ նպաստելով փոխշահավետ համագործակցության հաստատմանը:

Մեկ անգամ ես շնորհավորում եմ Ձեզ եւ մաղթում քաջառողջություն ու մեծագույն հաջողություններ Ձեր առաքելության իրականացման ճանապարհին»:

### Քարին Տակի հերոսամարտին նվիրված միջոցառում

Հունվարի 26-ին Քարին տակի հերոսամարտի 25-ամյակն էր: 1992 թվականի այս օրն Արցախյան ազգային ազատագրական պայքարի պատմության մեջ նշանավորվեց մի նոր հաղթանակով եւ հանդիսացավ մեր հիմնարար հաղթանակներից մեկը:

Հունվարյան այս օրը, վաղ առավոտյան ազդերիները բերդաքաղաքից լայնամասշտաբ հարձակման անցան: 12 ժամ անց հարեան գյուղերի ջոկատների օգնությամբ հակառակորդը ետ էր շարվել՝ մարտի դաշտում թողնելով 150 զոհ: Գյուղն էլ կորուստներ ունեցավ: Անմահացավ 22 մարդ:

Գյուղի տեղանքին ծանոթ մարդկանց բանականությունը թելադրում էր, որ գյուղի անկումն անխուսափելի պետք է լիներ, հատկապես, որ ամբողջովին թուրքաբնակ Շուշին դարձրել էին կրակակետ: Քարին տակի աննախադեպ ինքնապաշտպանությունն ու հունվարի 26-ի հերոսամարտը եկան հաստատելու, որ Շուշին հնարավոր է ազատագրել:

Օրվա առիթով ԼԴՀ մշակույթի եւ երի-

տասարդության հարցերի նախարարությունը նախաձեռնել էր «Ննջեցեք խաղաղությամբ, ձեր գործը շարունակում ենք» խորագիրը կրող միջոցառում:



Շուշիի Ղազակեցոց եկեղեցում գոհված ազատամարտիկների հիշատակին կազմակերպված մոմավառությանը մասնակցելուց հետո՝ շրջաններից եւ մայրա-

քաղաքից ժամանած շուրջ 100 երիտասարդներ քայլերթով ուղղվել են Քարին տակ գյուղ:

«Այս եւ նման միջոցառումներն իրա-

հարցերի փոխնախարար Գայանե Գրիգորյանը:

Ելույթով հանդես եկավ Քարին տակի համայնքի ղեկավար Մխիթար Առուշանյանը, ով նահատակված զաշնակցական, Քարին տակի ջոկատի հրամանատար Վաղինակ Առուշանյանի որդին է:

«Եթե քառօրյ դար առաջ չլիներ մեր միաբանությունը, հազիվ թե կարողանայինք պաշտպանել մեր գյուղը, իսկ ընդգրկուն առումով՝ ամբողջ Արցախը: Միասնության ոգին պետք է առաջնորդի մեզ», - ասաց Մ.Առուշանյանը

ԼԴՀ ՊԲ նախարարի հրամանով ազգային ազատագրական պայքարում եւ բանակաշինության գործում ունեցած ավանդի համար մի շարք ազատամարտիկներ պարգևատրվեցին պատվոգրերով:

Ազգային, հեղափոխական երգերով հանդես եկավ ԼԴՀ ՊԲ «Ասպետ» համույթը, իսկ ազգային պարերով՝ Նորագյուղի, Տողի եւ Ազոխի պարախմբերը:

«ԱՊՐԱՍԺ»







